


平山縣志

地
132.107
39.24
斗 部
729



續修平山縣志序

夫邑之有志所以考政治之得失人材之消長古今之盛衰與夫山川險要風土人情也况平山邊界晉陽爲五代時用武之地其形勝尤有可紀者乎溯自康熙十一年知縣湯君纂修越百八十餘年王君子潔始重修之迄今又四十餘年矣其間雖經唐君蔭桐續修而以迫遽成書多未翔實且所增僅賦役職官選舉人物藝文等五類其餘如輿地建置學校均未備丁酉夏熊聃仙太守來權斯邑閱志書至於續編輒病其疏略譌舛且以二十餘年間閭巷嘉言善行與變遷興廢之故有待於輟

平山縣續志

序

一

拾者甚夥亟思增輯乃以清庶獄除強暴興保甲勤勞於當務之急未暇及是迨今年春庶政畢舉從政多暇乃踵王志而分類增修至唐志則併爲一書蓋擷其精華棄其糟粕也當是時余遊於此太守輒舉以商推獨惜余孤陋無所是正未能副太守相屬意然由是得盡識邑之疆域風土山川勝概未始非幸也而軼事舊聞賴以不墜不尤大可幸哉

光緒二十四年歲次戊戌孟夏清苑周煥章謹序

續修平山縣志序

平山縣志於咸豐癸丑歲王君子潔重修悉宗陸清獻公成法體例頗善嗣於光緒癸亥唐君蔭桐增輯然僅輯田賦官師選舉人物藝文五門其餘概無增益維時方開局修 畿輔通志檄府州縣各修志書豈以迫於期會無暇詳攷歟抑以二十餘年間風土人情典章制度舉無所變更歟雖然唐君續修之日去今又二十餘年矣官師選舉人物藝文等類應纂入者甚夥卽制度典章人情風土亦不能無今昔之異也夫天下事當少有缺失卽求補正則事易舉若因循苟且聽其銷沈至於廢墜已多始謀興復雖智士恆苦其難至於修志亦然苟不及時修補坐令散軼將年代曠遠有欲述未能者豈非守土之咎乎予於丁酉夏由無極量移至此下車始卽察利弊懲強暴清庶獄興保甲凡當前急務靡不次第舉行今幸已政通人和乃取志書分門增輯舉二十餘年間變遷興廢之故悉著於篇並將唐君續修者合爲一書不復一一識別以省繁文是舉也意在歸於完備非矜詳贍者夫舉舊志而變通盡善以附於著作之林則予謝不敏姑以俟後之君子

光緒二十四年四月

知府用兼襄雲騎尉直隸正定府平山縣知縣鉛山熊壽錢謹

序

平山縣續志

序

二

凡例

一 是編門類悉遵王志之舊不復增損以歸畫一

一 是編踵唐志而續成之自光緒二年以迄於今舉二十餘年間職官選舉人物以及法制變遷悉分門增入

一 唐志始咸豐四年迄光緒二年僅列田賦職官選舉人物藝文五門其餘如輿地建置學校等門缺略尙多茲悉踵王志一一增輯

一 唐志於職官選舉姓氏科分以及任卸歲時類多遺漏舛謬茲悉補正至其所采人物古蹟等類繁而寡當者亦略芟之

平山縣續志

凡例

以歸簡要

一 唐志於田賦額徵數後卽載豁免眉目不清且除糧與豁免並計所載各數亦與奏銷不符茲悉更正

續修平山縣志姓氏

纂修

鹽運使銜補用府候補同知兼襲雲騎尉署正定府平山縣知縣熊壽錢

編輯

保定府縣學生

員周煥章
韓清泰

校對

平山縣學教諭丁鎧

平山縣學訓導孫乃鼎

採訪

平山縣續志

姓氏

一

六品銜鴻臚寺序班何鳳三

舉人何玉如

舉人王正倫

歲貢生李三星

廩生商佑

庠生商衍緒

督梓

平山縣洪子店巡檢徐上雲

平山縣典史孫之慶

平山縣續志目錄

卷之一

地理志

分野 山川 古蹟
紀事 物產

卷之二

建置志

城池 公署 學校 壇廟
官舍 關隘 郵政

卷之三

祀典志

秩祀 羣祀

災祥志

卷之四

平山縣續志

目錄

田賦志

卷之五

官師志

邑令 師儒
僚屬 管汛

卷之六

人物志

仕蹟 孝義
列女

卷之七

選舉志

卷之八

藝文志

卷之末

附錄

平山縣續志

目錄

二

平山縣續志卷一

平山縣知縣鉛山熊壽錢增輯

地里志

分野

平山縣北極出地三十八度十六分十三秒 冬至晷影一丈八尺五寸九分強 夏至晷影二尺六寸五分弱 冬夏至晝夜長五十八刻十分強短三十七刻五分弱 偏西二度七分 節氣早八分二十八秒

山川

平山縣續志 卷一

地里

一

滹沱河發源山西太原府繁峙縣東流至高峰口入縣西北界

之卧石口

一作惡石口在縣西北一百四十里

有泐泐水流為陷溢河自西來

入之

一作勿勿水在縣西一百里按山海經石山濩濩之水出焉而東流注於滹沱疑即此水

又東南有

兩小水來入之

安瀾志以二小水疑即濶河蒲水然濶河即木刀溝已為濶河所奪蒲水即蒲吾渠已堙

廢無蹟且此二水在縣西今按舊志有溫泉在縣西四十里又有望樓河在縣西十五里俱入滹沱

又東逕洪子店朱家村閻興村大齊村王母村至縣北合河口有桃水

縣曼諸水合為冶河自西南來注之

古蹟

天長鎮在縣東滹沱河東北唐景福初李克用及義武帥王處

存合兵攻成德帥王鎔拔天長鎮鎔出戰敗克用兵於新市
二年克用復敗成德兵於平山攻天長鎮方輿紀要今田營鎮
在康家村北上三汲村南臺址猶存

板山原名榜山其勢自天桂接太行向東而下若奔若赴至村
南結成榜形山上半作泥金色與村北黃人峯相對

丹梯山在社家會馬廐崖之左右色紫赤雲霧初融層疊如梯
觀榜山在馬廐崖之右羣峯峙立如人有所觀之勢

龍吟閣 光緒二年知縣郭奇中知縣唐世祿先後捐資重建
紀事

平山縣志 卷一 地理

晉穆帝永和六年趙石閔款其主璽而自立改國號魏太平桃

庶等出奔襄國汝陰王琨奔冀州張沈據滏口今廣平府

羣據桑壁今原劉國據陽城今保定姚弋仲據海頭眾各數

萬皆不附閔

五代趙王鎔驕於富貴多事遊嬉又好左道煉丹藥求長生成

飾館於西山在縣西南每往遊之委政於行軍司馬李萬官者李

宏規石希蒙會鎔自西山鶴營莊在今將遷府希蒙勸之他

所李宏規怒請誅希蒙鎔不答宏規呼甲士斬希蒙首擲於

鎔前鎔怒遣歸使其子昭祚及養子王德明族宏規收其黨

與窮究反狀親軍皆懼德明因誘以爲亂夜半率親軍千餘人踰城入鎔方與道士焚香受錄軍士斷其首而出因焚宮室盡滅王氏之族德明復姓名曰張文禮遣使告亂於晉王方作樂聞之投杯悲泣欲討之僚佐以爲方與梁爭不可更立敵晉王不得已承制授文禮留後

物產

薏苡仁

平山縣續志卷二

平山縣知縣鉛山熊壽鏡增輯

建置志

城池 同治三年知縣王恩照勸捐補修

公署 咸豐七年知縣達才同治四年知縣王恩照光緒元年

知縣郭奇中先後借廉重修

譙樓 光緒三十四年知縣熊壽鏡重修有碑記

庫樓 明嘉靖三年知縣李應奎建光緒五年知縣唐世祿重

修

平山縣續志

卷二

建置

學校

文廟 光緒二年知縣郭奇中唐世祿先後捐資重修有唐世

祿碑記

續增從祀東廡賢儒位次

先儒許子 名慎字叔重汝南召陵人漢儒光緒二年從祀東廡后倉之次

先儒呂子 名大臨字與升陝西藍田縣人宋儒光緒二十一年從祀東廡謝良佐之次

先儒張子 名履祥字考夫一字念芝浙江嘉興府桐鄉縣人同治十一年從祀東廡孫奇逢之次

先儒張子 名伯行禮部尚書光緒四年從祀東廡陸隴其之次

續增從祀西廡賢儒位次

先儒劉子 名德號其修字好古河間獻王光緒三年從祀西廡董仲舒之次

先儒游子 名酢字定天宋儒光緒十八年從祀其位次在西廡楊時之次按楊時明宏治八年從祀東廡五十一位

於同治三年頒發祀位圖列於西廡韓琦之次

先儒袁子 名燮字和叔鄞縣人宋儒同治七年從祀西廡呂祖謙之次

先儒傅子 名廣字漢卿號潛庵宋儒光緒五年從祀西廡黃幹之次

先儒陸子 名世儀號桴亭江蘇太倉州人光緒二年從祀西廡黃道周之次

明倫堂 尊經閣 光緒十六年教諭薛寶三勸捐重修

學署 同治六年知縣單傳及重修光緒二年知縣郭奇中唐世祿重修

平山縣續志 建置 卷二 二

天桂書院 光緒十五年知縣石崑山購備書籍器具整飭規條知縣雷鶴鳴酌易章程有碑記

書院購存書籍

十三經注疏 御纂七經 欽定七經

國語 國策 經典釋文

大學衍義 中庸衍義 四禮翼

佩文韻府 說文義證

以上經之屬

廿四史 水經表 水經注

稽古錄

文廟通考

朱子年譜

大清會典

地輿全圖

以上史之屬

百子全書

說苑

世說新語

近思錄

困學紀聞

讀書日程

輶軒語

以上子之屬

楚辭

陸宣公集

正誼堂集

乾坤正氣集

梁溪全集

林文忠公集

平山縣續志

卷二

建置

三

胡文忠公集

曾文正公集

文選

唐宋文醕

古文辭類纂

古今詩選

欽定四書文

子史精華

文心雕龍

以上集之屬

壇廟

城隍廟

光緒元年知縣郭奇中修葺光緒十年知縣黃仁普

重修有碑記

官舍

倉廩常平倉十八間今廢

義倉八所

原存額穀除歷任動用報部有案外應存一千五百三十四石
零六升四合光緒四年白砂郭蘇田營三鎮歉收民借穀七
百二十八石零零二合實存八百零六石零六升二合分存
在城南甸兩倉年久霉爛光緒二十三年知縣熊壽籤勸捐
足額

在城一所

存穀五百零七石五斗二升
光緒二十四年知縣熊壽籤重修

南甸一所

存穀二百九十八石五斗四升二合

白砂一所

今廢

平山縣續志

卷二

建置

四

田營一所

今廢

同舍一所

今廢

洪子店一所

今廢

祕家會一所

今廢

郭蘇一所

今廢

附 童華雍正四年知平山縣災不待報遽出倉粟七千石貸
民擢知正定府按察使事以前發粟事部議免官

特詔原之五年怡賢親王奏以華理京南局水利華度真定城外
得泉十八疏爲渠溉田六百畝先後營田共三百五十頃以

北人不食稻請官發錢買水田穀運通倉省漕費而民得市黍稷以爲食

關隘

城守營額設外委一員遞減至戰兵二名守兵五名營書一名

光緒二十四年奉文現存兵數酌減三成分三年減現裁守

兵一名

十八盤口正志載由固關營撥兵三名防守現存馬兵一名守

兵一名

水關村口卽惡石口正志載由固關營撥兵三名防守現存馬

平山縣續志

卷二

建置

五

兵一名守兵一名

南黑山口由固關營撥馬兵一名守兵一名防守

正志作今裁

誤

黃安嶺口由固關營撥馬兵一名守兵一名防守

正志作今裁

誤

黑山關口正志載由龍泉關撥兵五名防守現存馬兵一名守

兵二名

桑園口正志載由龍泉關撥兵五名防守現存馬兵一名守兵

二名

合河口正志載由龍泉關撥兵三名防守今照額馬兵一名守兵二名

正志載十八盤六嶺關水關村黑山關桑園口合河口共六口係屬錯誤今查明更正共計七口由固關龍泉關兩營撥馬守兵共十七名

六嶺關口正志載由固關營撥兵三名防守今裁

韓信寨在縣西南馬嶺口北又椴樹寨在縣西白羊口西俱昔

時戍守處

方輿紀要

寨門口在惡石口西南十里其相接者卽六嶺口明正德十三

平山縣續志

卷二

建置

六

年築城置戍

方輿紀要

今罷戍

宋家峪口在惡石口東北十里明正德十三年築城置戍同上今罷戍

牛圈溝口在桑園口南相近又有神堂嶺石槽溝等口俱宏治嘉靖間戍守處同上今罷戍

冬防局 在城西街揀練鋪勇十名存鳥鎗十五杆擡鎗十杆軍器庫存子母炮一尊擡鎗十杆過山鳥鎗二杆雙手帶刀二十把鳥鎗二十五杆其餘正志所載損壞無存

郵政

留養局 正志載乾隆十九年知縣鍾林樹勸捐銀叁百兩發
商生息歲收息銀柒拾貳兩又尤宗魯名下營田地八畝租
銀貳兩伍錢撥入局內支用查發商生息銀兩今仍照交惟
尤宗魯地租代遠年湮卷冊遺失無從催交現僅歲收發商
生息銀柒拾貳兩嗣又增添康明子每年交地租錢玖百伍
拾文張福交地租錢叁千貳百文王萬春交地租錢柒千玖
百伍拾貳文安貴交租錢肆千文許治邦交租錢肆百捌拾
捌文許天保交租錢陸百肆拾文每年共收地租錢拾柒千
貳百叁拾文內支每年完糧錢叁千叁百有奇

義園一所 光緒肆年知縣唐世祿捐置在東關外有碑記

平山縣續志卷三

平山縣知縣鉛山熊壽鏡增輯

祀典志

秩祀

文昌祠 同治六年知縣王恩照單傳及先後捐廉增修月臺有碑記

崇文祠 光緒十七年知縣雷鶴鳴捐建

羣祀

魁星樓 同治六年知縣單傳及移建城上逾年傾圮九年知

平山縣續志

卷三

祀典

一

縣單傳及壽山復議重修光緒二十一年知縣何紹庭紳董何鳳三等議捐重修皆有碑記

八蜡廟 光緒二十三年重修

真武廟 光緒二十二年重修卽元帝行宮舊址

龍神祠 光緒六年重修

火神土地廟 建於嘉慶癸酉修於同治丁卯光緒十九年知縣覺羅介純重修有碑記

土地祠 光緒十八年知縣雷鶴鳴重修

節孝祠 道光二十六年知縣萬起鴻重修光緒二十四年知

縣熊壽錢重修有碑記

查節孝祠舊有西村灘地六畝每年納租制錢壹千貳百文
又地六畝每年納租制錢壹千貳百文計自光緒初葉至
二十四年共收地租制錢伍拾千文今將此項地租制錢
伍拾千發商長年壹分生息作爲歲修交書院紳董經營
嗣後每年地租以一半爲正月燈燭之用以一半歸紳董
收存俟集有成數發商生息歲修一款如有盈餘亦由紳
董收存

又坐落祠西地基一段每年租制錢肆百伍拾文坐落祠
後至北地一段每年租制錢肆百文坐落祠後至東地一
段每年租制錢壹百伍拾文不等共收制錢壹千文作爲
津貼看祠人工食

平山縣續志卷三

平山縣知縣鉛山熊壽發增輯

災祥志

咸豐六年秋飛蝗過境

咸豐七年夏蝗蝻成災秋飛蝗過境

咸豐八年秋飛蝗過境

同治元年夏蝗蝻成災

光緒三年秋旱

光緒四年春大風歉收

平山縣續志

卷三

災祥

三

光緒十六年夏六月縣屬郭蘇莊等三村秋禾被雹

平山縣續志卷四

平山縣知縣鉛山熊壽錢增輯

田賦志

戶口

光緒二十三年戶貳萬叁千玖百肆拾陸口拾貳萬零壹百陸

拾壹

地糧

咸豐三年原額共地壹千陸百陸拾貳頃陸拾伍畝伍分玖釐
捌毫捌絲上中下三等地每畝徵銀不等共徵糧並藥材銀

平山縣續志

卷四

田賦

一

壹萬陸千叁百柒拾肆兩伍錢伍分陸釐貳毫捌絲

陸科項下

咸豐十一年民人鄭致和等陸科共地貳頃肆拾叁畝壹分貳
釐捌毫每畝徵銀貳分共徵銀肆兩捌錢陸分貳釐伍毫陸
絲

同治元年民人王光安等陸科共地捌頃肆拾畝陸分貳釐每
畝徵銀貳分共徵銀拾陸兩捌錢壹分貳釐肆毫

同治三年民人李煥等陸科共地伍頃伍拾柒畝玖分貳釐貳
毫每畝徵銀貳分共徵銀拾壹兩壹錢伍分捌釐肆毫肆絲

同治五年民人劉現法等陞科共地壹頃壹拾叁畝柒分柒釐
每畝徵銀貳分共徵銀貳兩貳錢柒分伍釐肆毫

同治七年民人李杜等陞科共地拾頃零肆拾玖畝玖分柒釐
叁毫每畝徵銀貳分共徵銀貳拾兩玖錢玖分玖釐肆毫陸
絲

同治八年民人劉成家等陞科共地陸頃貳拾伍畝壹分柒釐
柒毫每畝徵銀貳分共徵銀拾貳兩伍錢零叁釐伍毫肆絲
以上共陞科地叁拾肆頃叁拾畝零伍分玖釐徵正銀陸
拾捌兩陸錢壹分壹釐捌毫加丁匠銀拾肆兩貳錢零

平山縣續志

卷四

田賦

二

貳釐陸毫共徵銀捌拾貳兩捌錢壹分肆釐肆毫

通共地壹千陸百玖拾陸頃玖拾陸畝壹分捌釐捌毫捌

絲各徵銀不等共徵地糧並藥材銀壹萬陸千肆百肆

拾叁兩壹錢陸分捌釐零捌絲內除藥材銀貳兩柒錢

捌分叁釐捌毫叁絲壹忽貳微伍纖例不攤丁外餘銀

壹萬陸千肆百肆拾兩叁錢捌分肆釐貳毫肆絲捌忽

柒微每兩均攤丁匠銀貳錢柒釐貳絲陸忽捌微壹纖

玖沙貳塵捌埃貳渺柒漠叁湖共均攤丁匠銀叁千肆

百零叁兩伍錢玖分叁釐玖毫柒絲伍忽

以上共徵銀壹萬玖千捌百肆拾陸兩柒錢陸分貳釐內
光緒三年勘除李步雲等水冲沙壓地貳拾頃零貳拾
貳畝伍分捌釐陸毫每畝除銀貳分計除銀肆拾兩零
肆錢伍分壹釐柒毫又除丁匠銀捌兩叁錢柒分叁釐
伍毫共除銀肆拾捌兩捌錢貳分伍釐貳毫

現在實徵銀壹萬玖千柒百玖拾柒兩玖錢叁分陸釐內有藥
材銀叁兩捌錢遇閏加銀伍百陸拾玖兩零柒分壹釐
起運正銀壹萬捌千壹百柒拾兩零肆錢叁分捌釐遇閏加銀
肆百柒拾叁兩捌錢貳分柒釐

平山縣續志

卷四

田賦

三

存留每年壹千陸百貳拾柒兩肆錢玖分捌釐內有學田租銀
拾叁兩遇閏加銀玖拾伍兩貳錢肆分肆釐

支銷與正志同者不贅述茲將增減各款列後

文昌加祭祭品銀每年拾叁兩叁錢叁分叁釐

鋪司兵陸名正志原額每年工食銀叁拾陸兩嗣於同治五年
奉文減裁六成銀貳拾壹兩陸錢現支銀拾肆兩肆錢遇閏
加銀壹兩貳錢

額外零祭銀每年玖兩叁錢陸分向由縣墊發赴司請領

旗租公產自光緒元年據崔懷成呈報陞科地玖頃捌拾貳畝

柒分柒釐伍毫每畝徵銀貳分共徵銀拾玖兩陸錢伍分伍釐伍毫加丁匠銀肆兩壹錢貳分柒釐共徵銀貳拾叁兩柒錢捌分貳釐伍毫

儲備軍餉原額地貳拾貳頃拾貳畝玖分玖釐柒毫每畝徵銀叁分貳釐共徵銀柒拾兩有奇光緒二年康一身呈報被沖地捌拾肆畝肆分柒釐壹毫三年除糧銀貳兩柒錢零叁釐現徵銀陸拾柒兩叁錢肆分柒釐無丁耗開寄莊與正志徵數相符不贅述

營田舊額共地肆百叁拾壹頃玖拾畝有奇光緒三年除李先

平山縣續志 卷四 田賦 四

雲等糧地貳拾頃零貳拾貳畝伍分捌釐陸毫在地糧額內水冲沙壓及復糧始末

咸豐四年古賢等七十二村灘花戶賈錫成多恩等呈報水冲沙壓地拾叁頃捌拾捌畝肆分陸釐壹毫除正銀捌拾陸兩柒錢柒分肆釐丁匠銀拾柒兩玖錢陸分肆釐共除銀壹百零肆兩柒錢叁分捌釐

同治四年勘復賈錫成等地糧銀拾肆兩壹錢玖分玖釐

同治五年勘復多恩等地糧銀貳拾壹兩陸錢

同治八年勘復多恩等地糧銀陸拾捌兩玖錢叁分玖釐

以上全行復業

光緒三年勘除李步雲等水冲沙壓地貳拾頃零貳拾貳畝伍分捌釐陸毫每畝除銀貳分共除銀肆拾兩零肆錢伍分壹釐柒毫又丁匠銀捌兩叁錢柒分叁釐伍毫共除銀肆拾捌兩捌錢貳分伍釐貳毫

同治元年欽奉

恩詔豁免歷年民欠錢糧開列於後

咸豐三年民欠地糧正銀貳百貳拾叁兩捌錢叁分壹釐耗銀貳拾陸兩捌錢陸分

平山縣續志

卷四

田賦

五

咸豐四年連閏民欠地糧正銀伍百伍拾陸兩叁錢陸分貳釐耗銀陸拾陸兩柒錢陸分貳釐

咸豐五年民欠地糧正銀壹千壹百柒拾伍兩肆錢壹分貳釐耗銀壹百肆拾壹兩零肆分玖釐

咸豐六年民欠地糧正銀肆百玖拾兩零玖錢陸分叁釐耗銀伍拾捌兩玖錢壹分伍釐

咸豐七年連閏民欠地糧正銀陸百伍拾柒兩玖錢零陸釐耗銀柒拾捌兩玖錢伍分

以上共正耗銀叁千肆百柒拾柒兩零壹分全行豁免

自咸豐八年迄光緒二十四年年清年款並無民欠
鹽課

鹽額原每斤制錢貳拾肆文咸豐八年行知因辦海防善後需
費浩繁自九年起每斤加制錢貳文同治十三年行知因慮
綱疲累加制錢貳文光緒二十一年行知因需餉孔殷自二
十二年正月起直屬各岸引鹽每斤增價制錢壹文現賣貳
拾玖文

平山縣續志卷五

平山縣知縣鉛山熊壽錢增輯

官師志

邑令

知縣

吳鯤 河南商邱縣人舉人 咸豐六年署 達才 蒙古正白旗人 咸豐六年任

吳夢曾 安徽涇縣人舉人 咸豐七年署 趙允祐 江蘇常熟縣人 咸豐八年任

方壽昌 福建閩縣人 咸豐九年代 議敘 存祿 蒙古正白旗人 咸豐九年署

余啟賢 浙江遂安縣人 咸豐十年任 監 徐本衡 浙江德清縣人 咸豐十年署

平山縣續志 卷五 官師 一

王恩照 山西介休縣人 咸豐十一年任 生員 單傳及 奉天金州廳人 咸豐十一年任

壽山 滿洲正藍旗人 同治六年任 廩貢 汪良弼 江蘇陽湖縣人 同治十二年署

郭奇中 安徽合肥縣人 軍功 同治十三年任 監生 劉俊升 甘肅平涼縣人 光緒二年任

唐世祿 四川中江縣人 光緒二年署 舉人 郭斌壽 山東濰縣人 光緒五年代

周晉堃 江蘇上海縣人 光緒五年署 翰林 黃仁普 湖南善化縣人 光緒六年任

觀祐 鑲黃旗人 光緒十三年署 貢生 石崑山 河南汝陽縣人 光緒十三年任

雷鶴鳴 江西餘干縣人 光緒十五年署 舉人 介純 滿洲正紅旗人 光緒十八年署

銘彝 滿洲正黃旗官學生 光緒二十年署 何紹庭 安徽定遠縣人 光緒二十一年署

石崑山 光緒二十一年 同任 輝秀孫 江蘇陽湖縣人 光緒二十二年署

熊壽鏡 江西鉛山縣人廩生
光緒二十三年署

師儒

教諭

梁誌 蠡縣人舉人
同治三年署
劉鶴翔 衡水縣人拔貢
同治四年任

樂甲 齊澤縣人增貢
同治十一年署
魯述文 易州人舉人
同治十一年任

田邦基 衡水縣人附生
光緒六年署
何若琦 故城縣人拔貢
光緒七年署

谷鳴球 邢臺縣人副榜
光緒七年任
伊煥章 安州人孝廉方正
光緒十三年署

薛寶三 文安縣人廩貢
光緒十四年任
馬錫晉 定州人舉人并陘訓導
光緒十七年兼理

張恩錫 樂亭縣人舉人
光緒十八年署
裴三益 通安縣人歲貢
光緒二十一年署

平山縣續志 卷五 官師 二

丁鏡 延慶州人廩生
光緒二十一年任

訓導

賈郁彬 深州人廩貢
同治元年署
趙常衛 玉田縣人歲貢
同治元年任

王維翰 定州人附貢
同治二年署
鹿欣理 定興縣人優貢
同治三年任

祝壽仁 博野縣人附貢
同治五年署
畢晉 玉田縣人歲貢
同治五年任

魏嘉彬 補縣人廩貢
光緒三年署
劉彥魁 蔚州人舉人
光緒三年任

趙叔元 交河縣人附貢
光緒四年署
孫乃鼎 承德縣人優貢
光緒五年任

谷其潤 邢臺縣人廩貢
光緒十一年署
劉恆裕 河間縣人歲貢
光緒十二年署

王守倫 易州人廩貢
光緒十三年署
周肇棧 開州人舉人
光緒十四年任

趙文彬 遵化州人舉人
光緒十七年任

李金錫 深州人優貢
光緒二十三年署

孫乃鼎 光緒二十三年
同任

僚屬

巡檢

楊成祥 山東滕縣人監生
同治五年署

朱澄 浙江烏程縣人監生
同治五年任

朱寶森 浙江山陰縣人監生
同治十三年代

介尙志 山西永濟縣人監生
同治十三年署

周以潤 浙江山陰縣人吏員
光緒元年任

王金銘 山東歷城縣人監生
光緒九年署

徐上雲 四川成都縣人吏員
光緒九年任

劉倂 江西南豐縣人監生
光緒十八年代

徐上雲 光緒十八年
同任

平山縣續志

卷五

官師

典史

陸庭果 浙江桐鄉縣人監生
咸豐七年代

龐紹先 浙江歸安縣人監生
咸豐八年署

張國泰 浙江山陰縣人監生
咸豐九年代

蔣罕 咸豐九年
同任

趙璐 江蘇常熟縣人監生
咸豐十一年代

余嘉選 安徽黟縣人吏員
咸豐十一年署

沈昌本 浙江蕭山縣人監生
咸豐十一年任

况韻昌 江蘇上元縣人監生
同治二年任

唐啟朝 四川灌縣人監生
同治三年代

吳崇傑 安徽涇縣人監生
同治三年署

朱秉鈞 浙江山陰縣人監生
同治三年任

陶鑑茲 貴州貴筑縣人監生
同治六年代

朱秉鈞 同治六年
同任

張鴻聲 江西南豐縣人監生
同治九年代

袁師顏 山東博平縣人吏員
同治九年任

葛元恩 浙江仁和縣人監生
同治十年署

丁得眾 山東齊河縣人吏員 葛廷標 江蘇吳縣人監生
同治十一年任 光緒四年代

丁得眾 光緒四年代 李贊政 山西介休縣人監生
同任 光緒九年代

胡宗翼 湖南長沙縣人監生 李贊政 光緒十年代
光緒九年署

張藻 浙江山陰縣人監生 張毓秀 河南祥符縣人監生
光緒十年任 光緒十八年代

張藻 光緒十八年 席同恩 江蘇吳縣人監生
同任 光緒二十年署

張藻 光緒二十一年 姜錫綸 江蘇六合縣人監生
同任 光緒二十二年署

孫之慶 浙江歸安縣人監生 光緒二十三年署

營汛

劉承露 正定縣人行伍 婁其祥 正定縣人
道光二十一年任 咸豐十年署

平山縣續志 卷五 官師 四

祝振聲 靜海縣人軍功 李猶龍 正定縣人行伍
同治元年任 同治七年任

張玉祥 正定縣人 劉廷弼 正定縣人
同治九年署 同治十年署

李猶龍 同治十一年 劉承璧 正定縣人
同任 光緒二年署

程銘 正定縣人 高維常 正定縣人
光緒二年署 光緒三年署

劉承璧 正定縣人 高維常 正定縣人
光緒五年署 光緒六年任

胡炯 正定縣人 李慶林 正定縣人
光緒十二年代 光緒十六年任

平山縣續志卷六

平山縣知縣鉛山熊壽篋增輯

人物志

仕蹟

李光遠平山人嘉靖十三年以監生由縣丞陞知絳縣公介廉慎改建學校政績顯著陞平涼府通判民遮道送者百里不

絕山西通志

李潤清幼好學廉隅自持由附貢報捐縣丞分發陝西光緒初年相繼署西鄉鳳翔等縣縣丞值年荒勸捐以濟窮乏並捐

平山縣續志

卷六

人物

俸倡之所歷之區民皆歡悅遇公務靡不勤慎致仕後百姓攀留不得送者數百人

孝義

齊廷詔字錫侯九品銜性至孝事父母能得歡心父病年餘侍湯藥衣不解帶父歿事孀母封氏孝養彌謹母卒哀毀骨立廬墓三年年四十有三歿

郭九齡字與三廩膳生性友愛伯兄早卒視猶子如己子教養備至母卒後嫂欲析產卽舉田舍悉與之窮約無怨言士論悉稱其友愛咸豐十一年十月卒年六十歲

劉夢卜字輔德道光辛卯舉人賦性廉潔恥奔競教授生徒成就甚眾後主天桂書院講席甄核優劣人服其公咸豐二年八月卒

賈攀桂字香遠歲貢生性淡泊學問尤宏深教弟子勤懇無倦故遊於門者多淹雅才同治元年三月卒

商鎔字鍊齋由廩貢捐員外郎銜性淡泊不慕榮利足迹未嘗入公門學問尤淹雅與人說詩書善解惑同治五年四月卒邑人至今稱道弗衰

閻金字麗生勵廉隅好施與本村多徭役恆苦無以應因捐義田數畝爲辦公資同里咸感之康熙五十九年知縣潘獎以行誼可風額卒年八十有七

李遵武太學生富於財好急人難每年終鄉里無計度歲與歲歉不能自存者均周恤之卒年八十六歲

閻良質字父雅敦孝弟樂施與鄰里婚葬無力者助以錢粟逢歲歉並施粥與棉衣焉嘉慶三年蒙獎以九品頂戴同里亦以恩榮稀壽額懸於其廬卒年七十二歲

封天駮字右服歲貢生武舉英士次子性篤孝教人以立心制行爲主里人受其教益成名者多卒年七十有二

封汝諾字佩倉庠生歲貢天驕子敦孝行性闊達好周人急邑人士崇其拯救者甚眾年五十卒

張世學字文齋庠生廩生憲嗣子性豪爽本生母嬰疾朝夕侍湯藥期年未嘗解衣宸後又隨嗣父振興義學童稚獲益良多卒年四十有八

柴可用字棟梁庠生八歲失怙居母喪哀動鄰里鄰里無力婚葬者有所乞貸應之無吝色其慷慨好濟人之急如此卒年六半有九

王變字歲貢生成豐癸丑髮賊逼縣境知縣委辦鄉團乃集城鄉士庶勉以大義成踊躍樂從是年九月聞賊由井陘入境率眾堵禦不避賊鋒其義烈如此卒年七十有八

王慶連廩貢生歲貢變字子性廉潔學有經緯成豐癸丑隨其父辦團調度有方眾論成服同治五年舉孝廉方正未遇考病卒

李吉雲字臺書歲貢生性開爽有學識成豐三年髮逆入直境知縣王子潔委辦鄉團簡丁壯教技勇鄰里咸樂受約束比聞鄰境有警即率眾赴之卒年五十有四

張蔚字青峯武生性慷慨曉暢戰陣之事成豐癸丑知縣派充

團長教村人步伐止齊悉合法度與團董李吉雲協力同心
縣境恃以無恐卒年七十三歲

何清泰字吉慶九品銜父病年餘侍湯藥衣不解帶十九而孤
事孀母以孝聞弟幼失明飲食必親檢點咸豐間修城督工
三載勞瘁弗恤八十四歲卒子鳳三遊庠孫玉如舉於鄉

張宗元字子安武生入資得都司幼失怙事母以孝聞性寬和
無疾言遠色同居七世理家政以忍讓爲先僉謂有張公藝
之風子弟守遺訓無敢議析者

張蔭昌字椿庭庠生嗣胞伯早歿母病侍湯藥罔懈歿後哀毀

平山縣續志

卷六

人物

四

本生母卒毀產營葬卒年六十三歲

張魁元字俊卿武舉父歿慟不欲生侍母疾衣不解帶者年餘
平居恂謹遇事則果敢能斷鄉里憤爭輒以婉言解之同治
四年土匪作辦鄉團一方恃以無恐井陘石鼓寺地極險爲
土匪據魁元設計勦之罔有脫者敘勞以衛千總用年五十
有八卒子五次鳳池武舉其四皆有聲庠序

單夢龍字在天布經歷銜父性嚴甫冠卽命理家政稍拂意輒
令長跪怒解始敢起兄歿事嫂敬撫幼弟尤友愛性慷慨施
與無吝色不數年積資殆盡年七十有五卒子三人長鶴汀

同治癸酉科武舉次三皆遊武庠

商瑞金字綬章附貢生幼失怙事母孝出嗣堂叔喜解紛排難周人之急家雖不給仍力行之精岐黃光緒四年瘟疫作施藥全活甚眾邑令重其品輒諮訪利弊直陳無隱友某頗預訟事諫不聽與之絕後以事牽入省獄馳書告急乃破產營救得釋友爲改行至今人嘖嘖稱道年五十三卒

商誥字次謨九品銜慷慨好義咸豐三年髮逆肆擾辦團練獲土寇無算邑賴以安每以私財犒勇故人皆用命同治二年寇氛未靖當事者議修城眾皆觀望誥獨贊成之

平山縣續志

卷六

人物

五

張紀元字子綱幼失怙母撫之成立屢試不售納粟爲貢生慷慨好施與鄉里貧不能婚葬者輒助之人有乞貸亦應其求無吝色卒之日送葬者數千人皆哭失聲

張旭日字升海道光甲午科武舉性慷慨喜濟人之急有稱貸不責償咸豐三年土匪竊發辦團練擒盜首數名一方得安例得獎敘辭不受年五十有六卒子魁元孫鳳池皆武舉

張殿元字玉墀武庠生性豪爽好施咸豐三年髮逆擾畿輔辦鄉團曉夜巡防不辭其瘁敘功得千總年四十一卒子鳳岐武舉

張諾附貢生以孝行聞好施與礪名節尤勤於誘掖後進貧不能學者莫不教誨年五十八卒

任玉堂字藍田附貢生性慷慨勇於任事其鄉近滹沱頻遭水患乃相地勢開稻田十餘頃附近數村咸賴其利

柴輅字樸存廩生父早歿事母以孝聞母嘗病泄淋漓牀褥輒以手拭之家貧甚自奉儉約必具甘旨娛親授徒數十年誘掖不倦成就甚多年六十卒

李步青字鵬秋號階升道光己酉拔貢庠生華庭子也樂善好施事繼母孝母晚年多疾侍湯藥數年不倦工詩文九赴秋

平山縣續志

卷六

人物

六

闡不售精岐黃遇貧乏者贈藥餌活人甚眾師某人資爲令餽五百金其好義類如此年五十八卒

封大同字熙春道光丁酉拔貢進士躬子也性孝友好義家無儻石晏如也咸豐間歲饑不舉火者兩日友人惠以金不受固與乃受適有蓋姓與富室聯姻富室悔故迫之使親迎蓋走相告卽舉金轉相贈髮逆之亂辦鄉團一方以安有劇盜康二官不能捕率鄉勇捕而殺之年五十四卒

康觀成字繹如咸豐乙卯舉人性和厚輕財好義鄉黨以善士稱不以富貴驕人雖或加以橫逆亦弗校有女巫誑民錢爲

會歲費二百餘緡雖破產罔敢缺乃諄諄勸戒除其弊年六十五卒

劉蔭昌字際亨歲貢生聰穎好讀書家無儋石儲勤學不倦年十五入邑庠乃以命蹇屢薦不售出嗣胞伯母病十餘年色養未嘗稍衰年五十六卒

劉法文字瑞西廩生博學能文性至孝侍母疾衣不解帶者累月母卒哀毀幾不起投徒於外成就後進甚多年四十有七故

商法亮字顧三庠生五歲失怙事母以孝聞母病侍湯藥寢不

平山縣續志

卷六

人物

七

就枕者三年餘博學能文尤工書得趙松雪之神不慕榮利晚歲構別墅於城南植桃柳數百株異卉奇花掩映籬落暇輒觴詠其中其淡泊如此年六十歲故

商白字樸齋庠生法亮長子幼失恃事繼母以孝聞博極羣書尤熟於史人或質問舉誦不遺性狷介恥於干人晚歲家貧或日僅一餐處之晏如也年六十有八故

商咸字有一增廣生舉人學山子性慷慨喜濟人急有善舉輒捐資爲倡親黨吉貨解囊無吝色家計日落弗計也或爭鬪每以片語解之年七十歲故子貢生瑞全仗義有父風

朱執中字允菴武舉温厚寡言望而知爲善士恥武夫健訟習鄉里化之凌競之風少息年七十有六故

李步雲字遠鴻庠生幼好學尤精算術性謹默無疾言遠色兄早卒事寡嫂如母撫姪如子析居時讓美宅於弟姪茅屋數椽蕭然自得年七十母已九旬餘猶健晨昏定省能爲孺子歡繼配曲氏訓導曲青選女通經史嫻禮儀撫側室子如己出子樹蕃未冠成名母訓爲多

單鶴鳴字警秋武進士貌魁梧性慷慨幼讀書通大義長習武多力善射辛酉中鄉魁聯捷成進士授花翎侍衛親老告歸

平山縣續志

卷六

人物

八

服闋不復出析居時讓美田宅於兄家計不足習賈佐之漸致饒裕濟貧乏無吝色恥奔競習不入公門晚歲時手勸戒書爲鄰人解說一鄉化之年六十一故

張鳳詔字奉丹邑庠生博學能文性謹慎寡言笑家本素封而持躬儉約肄業書院藏書靡不披閱寒暑罔閒賢而好學鄉人重焉乃以泄瀉遽亡莫不惜之年僅二十有六

張如陵字壽山廩膳生性嗜讀入庠後父命習賈暇常手一編弗輟父歿仍事舉業學日進試輒冠軍屢薦不售雖家計不足志弗懈也生平篤內行重交遊咸重其品焉年四十有三

故

賈瑞慶字逢吉廩生幼失怙端重若成人兄早卒事寡嫂如母勵志讀書學業日進嘗夏夜友人訪之方燈下作書蚊飛滿前不顧也其嗜學如此體素羸年二十九遂亡

康永智字達臣廩生舉人觀成子嗣堂叔爲後性聰敏十歲誦五經未冠入庠旋食廩鄉試屢薦弗售益溺苦於學積勞成疾年三十一歿

張鳳舞字桐仙太學生幼勤學以父老命理家政遂廢讀家素饒裕兼綜出入纖悉不欺弟兄十餘人待以友恭家庭雍睦

平山縣續志

卷六

人物

九

至今無議析者年五十有一故

白繼商字法質武庠生性慷慨善騎射教授生徒成名者眾晚歲習醫尤精鍼灸活人無算年六十有八故

張謐字鎮方附貢生家素饒裕食指以百計司出入纖悉無欺父患癱症數年侍奉無少懈父歿哀毀骨立年七旬母猶健在依依膝下能如孺子歡歲饑施粥濟貧待食者嘗數百人雖積粟空弗計也年七十有六歿

張試字升三邑庠生少失怙事母以孝聞待諸弟友愛與人交坦白無城府邑有善舉輒捐巨金爲倡周濟貧乏無吝色年

四十有六歿遠近惜之

齊廷幹字翹材邑庠生天性孝友事親能色養居親喪哀毀骨
立杖而後起仲兄早歿撫姪如己出皆教之成名敬事長兄
白首無間年七十有四歿

郝雲亭字摘星廩生性至孝事親能得歡心設教於鄉循循善
誘成名者甚眾年五十有七歿

封以潔字廉泉庠生少失恃事繼母以孝聞負笈遊聞父疾星
夜馳歸抵家父已卒以未視含殮痛幾絕後遇父死之日輒
涕泣不食待諸弟友愛濟人之急傾囊無所吝晚歲食貧篋

平山縣續志

卷六

人物

十

瓢屢空宴如也年五十有七故

李大統字薪傳邑庠生生有至性事親以孝聞父母卒營葬盡
禮弟尚幼教養兼盡迨其後析居讓沃產於弟一食一衣必
與弟共不然則弗憚其友愛至老彌篤焉年七十有六故

趙樹業字建功武庠生性孝友父晚年委家事於兄兄不善治
生家資耗半生毫髮無怨喜排難解紛鄉鄰有爭必力解之
年六十有三故

李華庭字翬斯邑庠生性孝友好讀書尤慨爽子姪師某欲納
資爲知縣慨假六百緡與諸昆季析產因兄食指繁以己資

之半讓之年五十有八故

列女

明

韓氏郝雲漢妻少寡守節終身

見通志

國朝

謝氏崔華母夫殉兵難氏撫孤子成進士

見讀書集

金氏李秀達妻三十七歲夫故遺子三女四家酷貧以紡績度日次子三子皆夭折撫長子成立乾隆癸未歲知縣紀公以事聞旌表其門

平山縣續志

卷六

人物

七

左氏庠生王變運妻廩生左峩女二十歲于歸二十六歲夫故子亦殤誓不改節事翁姑盡孝待猶子以慈守節三十一載同治八年卒年五十六歲

張氏商法禹妻靈壽縣庠生張傳巖女十八歲于歸二十二歲夫故無子女撫姪爲嗣資用不給躬紡績以養舅姑逮翁姑繼逝家業雖艱喪葬悉如禮視嗣子如己出撫以成立咸豐四年九月故年四十七歲

賈氏商彥之妻歲貢攀桂女二十歲于歸二十四歲夫故慟不欲生因念翁姑早世子甫三齡宗嗣所關尤重始勉進飲食

迨子五齡乃涕泣致辭於夫之叔父母曰前不卽死者以此子未離懷抱耳今其齒加長矣敢請申前志遂以悲慟致疾卒年二十六歲

蕭氏劉孝成妻十五歲于歸三十四歲夫故家貧以紡績度日艱苦備常始終無他志

雷氏任兆祥繼妻監生雷舒女十七歲于歸十八歲夫故翁姑繼逝殯葬悉如禮夫弟妹均在襁褓撫之成立繼姪爲嗣視如已出年四十九故

許氏張化雨妻十八歲于歸二十二歲夫故無子女哀慟絕粒

平山縣續志

卷六

人物

三

誓以身殉因族人責以勉事翁姑始稍進飲食家貧然養翁姑未嘗缺甘旨撫姪爲嗣愛如已出教養成立卒年六十五
金氏李培芳妻廩生金履泰女十七歲于歸二十七歲夫故時翁姑俱存遺子二均在襁褓仰事俯著孝慈兼盡翁姑歿殯葬如禮家道中落早夜紡績度日雖艱苦不令子廢讀年五十四故

李氏庠生李碩勳妻從九李希聖女十八歲于歸事翁姑以孝聞三十二歲夫故事姑嫜益謹撫孤子成立苦節四十年年七十有二故

馮氏武生蓋慶清妻十八歲于歸年二十有五夫故姑寢疾三年侍湯藥衣不解帶撫姪爲後視如己出卒年七十八
施氏郊光裕妻十七歲于歸年二十八歲夫故姑目失明于甫七歲上侍醫姑下撫幼子力圖甘旨身忍饑寒鄰里見之皆爲墮淚卒年八十二

郝氏武生曹允泰妻二十歲于歸年二十九夫故遺子三俱幼事親以孝訓子以嚴茹孽自甘老而彌篤咸豐八年七月卒年八十有三

韓氏封建福妻二十歲于歸二十二歲夫故矢志守節五月得平山縣續志
卷六 人物 三
遺腹子孝事孀祖姑與孀姑劉氏撫子運昌成立零丁孤苦備歷艱辛鄰里皆爲嗟歎因表其門曰一繫千鈞年八十四故

楊氏韓法昌妻十七歲于歸十八歲夫故無子女姑舅與氏之父母憐氏年幼密議令改適後氏歸甯微聞其議叩別父母遽歸夫家乘隙自縊去夫死甫五月

汪氏王萬鎰妻年二十四歲夫故誓死不他適姑病奉侍無倦身任紡績撫幼子成立年六十九卒

康氏張文魁妻年二十一歲夫故子在襁褓誓守節不他適事

姑以孝聞年八十卒

田氏劉廷山妻年二十六歲夫故撫孤子以苦節自誓翁姑病侍湯藥累年不倦翁姑與子相繼歿氏與寡媳李氏以禮自嫻四十餘年如一日年七十卒

張氏王文妻年二十二歲夫故無子撫螟蛉以事孀姑姑歿哀毀盡禮家貧紡績助子讀書子歿撫幼孫艱苦特甚

王氏庠生商克義妻二十四歲夫故子旋殤繼族子俊爲嗣氏以禮自嫻外人罕覩其面家計不足然事姑未嘗缺甘旨姑病數年侍湯藥不倦氏故知書每述奇聞以博姑歡姑歿哀

平山縣續志

卷六

人物

古

毀不食杖而後起訓子有義方故俊得早成名年六十五卒
楊氏張萬里妻年二十四夫歿子二長甫四齡次僅數月氏痛不欲生絕粒數日事翁姑能以色養年八十四卒

李氏張捧日妻年二十九守節當夫病侍湯藥衣不解帶者累月夫歿痛哭喪明醫治始愈事翁姑以孝聞撫孤子成名年六十卒

孫氏李守先妻十九歲于歸事舅姑克盡孝道夫故無子家貧甚紡績度日苦節三十餘年光緒三年故年五十九

王氏米瑞妻年十九夫歿姑繼逝子家書在襁褓家無儋石儲

恃紡績度日事翁盡孝訓子成名鄉里嘉之以額表於其門年五十七故

齊氏白玉蘭妻二十八歲夫故遺二子均幼事姑孝訓子有方皆成名鄉里以節孝稱府縣咸以額表其門年六十有八故
商氏馬佩瑛妻二十八歲夫故孀姑七旬子女俱幼氏謀所以事蓄者備至姑卒哀毀特甚年四十有六故

任氏庠生封汝弼妻原任山東長山縣知縣天驕長媳十七歲于歸翁絜眷赴任氏夫婦獨留理家政有條廉俸寄家每濟貧乏二十九歲夫故遺一子殤繼姪受職爲嗣翁晚歲告歸

平山縣續志

卷六

人物

五

生事死葬皆盡禮待夫弟善因貧析居田宅互相讓督二孫力農與寡媳紡績以佐之其苦節如此年七十有八故

馬氏貢生張鳳翔妻十九歲于歸事翁姑以孝聞翁姑相繼逝哀毀盡禮二十四歲夫故痛不欲生夫弟泣勸始進飲食遺一子旋殤繼姪爲嗣愛如己出年五十三歲故

習氏耿得月妻二十一歲于歸二十九歲夫故家貧以紡績度日冰蘖自甘歷三十餘年如一日年七十三故

謝氏焦清妻二十歲于歸二十三歲夫故家貧衣食不給或勸以他適氏以死自誓苦節四十餘年六十九歲而終

楊氏魏成美妻十七歲于歸二十六歲夫故善事翁姑待夫弟以禮讓無子繼甥爲嗣愛如己出年四十四故

丁氏田進寶妻二十六歲夫故遺子三均幼僅有田畝半氏以紡績易糠米餬口雖貧事姑無缺教子有方年八十有二故李氏貢生康觀在妻二十一歲夫故無子女繼姪永貞永智爲嗣氏以禮自嫻足不出戶暇則文史自娛事姑孝能得歡心教子有方皆成名卒年六十五

郭氏齊永和妻十五歲于歸十八歲夫故上止太翁下無子女苦節自守後以姪爲嗣視如己出年七十六故

平山縣續志

卷六

人物

六

杜氏齊廷幹妻十七歲于歸二十五歲夫故翁姑老子尙幼氏仰事俯畜無遺憾歷三十餘年如一日現年六十有二歲

梁氏焦密繼室十七歲于歸甫一年夫故子女俱無翁姑憐氏幼使他適氏矢志靡他翁故夫弟與氏析產氏迎養孀姑甘旨無缺撫前室子如己出人不知其爲繼母現年六十有一郝氏舉人郝澂禮妻年二十八歲夫故子僅週歲撫孤守節茹苦如飴事翁姑尤孝現年六十有三

王氏齊興邦妻年二十六夫故撫幼子以苦節自勵現年七十李氏郝青雲妻年十七夫故無子哀毀欲絕事翁姑克盡孝道

苦節三十年足不出戶鄉人重之

曲氏商法亮繼室前平山縣訓導青選女二十七歲夫故前室子亡遺孫衍緒僅數歲家計艱氏紡績以給現年七十二歲

胡氏商實妻十九歲于歸夫多病侍湯藥罔懈夫故遺一子衍緒僅數歲事孀姑撫幼子艱苦倍嘗現年七十有五

郝氏閭富貴妻年二十七夫故遺二子一女旋殤時翁姑皆在氏紡績以供朝夕翁姑相繼逝乞貸以葬現年八十有七

王氏庠生齊鶴鵬妻二十歲夫故前室子女尙幼撫如已出家本素封因事中落析居後益不支紡績度日不令子廢讀後漸饒裕紡績仍不輟門庭整肅終年足不出戶子鏗儒早歲成名實賴母教現年五十歲

劉氏文童李德元妻二十三歲夫故無子有勸其改適者誓死不從繼姪爲嗣亦亡孫甫三齡薄田數畝不足自給與媳紡織佐之其苦節如此現年五十六歲

郝氏文童賈餘慶妻二十七歲夫客死長子七歲次甫彌月痛不欲生翁姑力勸始進飲食翁晚歲納妾生有子女撫愛周至翁姑奉養盡禮事庶姑克進婦道現年六十有三

安氏文童孫逢年妻十七歲于歸翁姑已故與兄同居二十二

歲夫故一女甫襁褓絕粒數日顧女無依乃進飲食繼姪爲嗣愛如己出現年五十三歲

楊氏女童張其昌妻二十七歲夫故撫孤守志事翁姑竭力承歡然背人輒掩泣翁卒哀毀盡禮姑晚歲多病奉湯藥經旬不解帶一子十餘歲卽令就外傅歸每詳問其所業子早歲成名氏之力也現年五十有七

張氏武生白繼德妻武舉旭日女也十六歲于歸恪盡婦道翁姑相繼逝哀毀盡禮二十八歲夫故子甫九齡矢志撫孤教養周至現年六十二歲

平山縣續志

卷六

人物

六

李氏張平全妻二十七歲夫故矢志守節善事翁姑家酷貧以紡績度日夫歿時子甫週歲夫異母弟亦週歲失乳氏兼撫之愛弟無異於子鄉里賢之表其門曰志紹共姜現年七十有八

賈氏王吉昌妻十九歲于歸二十九歲夫故家計不足恃紡績養姑姑歿送終盡禮教子有方少年成名現年七十有八歲
劉氏李毓芳妻十七歲于歸二十九歲夫故遺一子尙幼撫孤守節矢志無他現年五十七歲

馬氏貢生張交泰繼妻十八歲于歸事翁姑以孝聞二十九歲

夫故五子皆幼教養兼盡長子試三子證皆早歲入庠現年六十八歲

張氏許銘妻貢生交泰女十五歲于歸夫之祖父母猶在侍奉能得歡心十九歲夫故遺子旋殤繼姪爲嗣愛如己出家計不足以紡績佐之苦節之稱內外無間現年七十歲

安氏劉愛妻二十九歲夫故家貧紡績自給事姑以孝聞教子錫慶錫祉尤有義方現年六十八歲

馮氏王開泰妻十六歲于歸二十八歲夫故舅姑早喪祖姑在堂遺一子尙幼家貧無以爲生然氏無他志上事祖姑下撫

平山縣續志

卷六

人物

九

孤子雖艱苦萬狀甘之如飴現年六十有六

谷氏武生魏成玉妻性至孝姑有疾侍湯藥三年未嘗有倦容姑歿悲泣至於失明里黨皆感泣現年六十有八

王氏焦琴妻二十一歲于歸善事舅姑姑患噎症侍湯藥二載有餘未嘗稍懈姑歿號泣幾絕無資得棺典已衣置棺殮之時值嚴冬單寒弗恤也教子尤有方雖艱苦弗令廢讀

平山縣續志卷七

平山縣知縣鉛山熊壽發增輯

選舉志

舉人

康觀成 咸豐乙卯

郝徵禮 同治壬戌

齊鶴年 同治丁卯

何玉如 光緒乙酉

王正倫 光緒甲午

副榜

白無玷 光緒乙酉

康堃 光緒辛卯

拔貢

平山縣續志

卷七

選舉

一

蘇中玉 咸豐辛酉

郜芳桂 同治壬申

田蔭隆 光緒乙酉

李樹培 光緒丁酉

恩貢

康德仁 咸豐四年

劉時中 咸豐六年

檀大輅 咸豐十年

郝玉振 同治元年

張應辰 同治五年

馮天蔭 同治十一年

崔文啟 光緒元年

張蕙 光緒五年

霍文蔚 光緒八年

康永貞 光緒十六年

崔正猷 光緒十八年

歲貢

埶 咸豐四年

買汝楫 咸豐六年

安國昌 咸豐八年

李吉雲 咸豐十年

冀繩祖 同治元年

崔見龍 同治四年

賈蔭堂 同治五年

周彬士 同治七年

張潤雨 同治九年

董肯堂 同治十一年

劉昉 同治十三年

崔從龍 光緒二年

丁清彥 光緒四年

王魯 光緒六年

孔明德 光緒八年

張桂 光緒十年

楊開泰 光緒十二年

李棟 光緒十四年

李步蓬 光緒十六年

劉作舟 光緒十八年

劉時雨 光緒二十年

閻白闈 光緒二十二年

李三星 光緒二十四年

武進士

單鶴鳴 同治壬戌三等侍衛

馬文煥 光緒庚寅

馬文質 光緒甲午

平山縣續志

卷七

選舉

武舉

蓋三臺 咸豐乙卯

王瓚 咸豐己未

黃元吉 咸豐己未

張三寶 咸豐己未

單鶴鳴 咸豐辛酉

曹自寬 咸豐辛酉

盧元魁 咸豐辛酉

孫毓之 咸豐壬戌

張雲瑞 同治壬戌

李秀園 同治壬戌

李殿英 同治壬戌

康觀曜 同治甲子

白繼昌 同治丁卯

盧吉魁 同治庚午

韓五星 同治庚午

曹自惠 同治庚午

張鳳岐 同治庚午

周立中 同治庚午

祕盛亮 同治癸酉

單鶴汀 同治癸酉

劉志方 同治癸酉

盧經魁 同治癸酉

張鳳池 光緒丙子

康應瑞 光緒丙子

趙貴元
光緒
辛巳

康永昌
光緒
辛巳

郎成才
光緒
辛卯

平山縣續志

卷七

選舉

三

勝酸楚適藩司又撥發接濟銀兩到安卽交該縣設廠及時分賑近城村莊俾免胥役侵蝕又據查有離城較遠求賑之大辛村等村四面受水該處無船可僱臣趕抵省垣添派勤幹委員試用知縣蔣之讓等僱船星夜馳往分賑遠鄉以免向隅臣查安肅一處如此其下游安州新安二處必當尤劇隨詢兩司等據稱先已奏請酌撥庫銀十萬兩遴派幹員分賑伏思保屬災區輕重殊形其直屬被災輕重卽可類推隨飭司速開撥銀兩委員清單查核俾銀歸實賑比據單開東南二路廳屬被災較重各撥銀一萬兩北路廳屬較輕撥銀三千兩西路廳屬最重

撥銀一萬五千兩俱交各廳酌分急賑保定府屬十五州縣撥銀一萬八千兩交該府酌量輕重分別急賑他若河間府屬五縣撥銀一萬兩正定府屬八州縣被災較輕酌撥銀五千兩俱交各該府酌分急賑其順德府屬沙河平鄉兩縣廣平府屬永年清河兩縣俱不成災毋庸急賑又直隸冀州所屬新河直隸趙州及所屬隆平甯晉直隸深州及所屬饒陽安平俱被災較重亦各撥銀五千兩直隸定州及所屬曲陽深澤被災較輕亦撥銀四千兩以上各屬被災共六十州縣先經藩司奏明臣甫抵保定祇聆

聖訓總以急賑爲最要刻卽飭司單開被災輕重酌撥銀數大概情形如此臣與藩司酌商遴委分往務期銀歸實賑帑不虛糜再據藩司單開續報未奏之東路廳屬寶坻直隸冀州並所屬衡水武邑正定府屬之平山河間府屬之交河等六州縣俱被災較重其直隸易州並所屬廣昌涑水順德府屬之任縣河間府屬之阜城等五州縣被災較輕相應續行分別查辦其承德被水已經熱河都統具奏張家口廳見稟不致成災赤城懷來及盧龍獲鹿四處俱因雨水阻滯是否成災仍飛飭刻期稟報至昨據該司已奏被水各府廳州縣所有大賑委勘的確分數見

平山縣續志

卷八

藝文

四

飭遴委大員分別詳辦並該司奏請截留漕米六十萬石以備大賑所需恭候

訓示

臣

與藩司再行遵照妥議一切章程並另繕各州縣被災輕重

清單恭呈

御覽理合恭摺具

奏

嘉慶六年六月二十日

庫樓記

右副都御史劉麟

正德間大盜數犯城邑師旅頻仍閭井騷動逮於嘉靖餘燄猶存嘗求其故慢藏有以誨之於是命官屬柴士元等毀撤淫祠

得礪鍛領篋雜材繕治諸庫所至皆然公私不煩製度龔峻大省兵車之力詢於黃髮僉曰允宜使嗣者因之綢繆有加定侮足國萬祀無斃庶幾作者之志

重修譙樓記

知縣熊壽錢

署門舊建譙樓三楹設鐘鼓於左以門吏守之其卽古者抱關擊柝之意乎抑使出而息有以自警乎斯樓之設誠重矣豈徒壯觀瞻已哉考是樓創始於明洪武年迨順治初元井陘土寇爲亂官舍毀於火越二年知縣李善威復建旋圯於雨乾道間知縣湯聘等先後重葺迄今又越四十餘年宅舍雖尙平山縣續志

卷八

藝文

五

完整而樓則頽敗零落矣豈不失作始之意耶丁酉六月余蒞茲土卽思重葺第恐勞民而旋止至次年庶政畢舉乃量提款之藏於外府者不足捐廉濟之鳩工庀材閱兩月而舊觀復是役也不集捐不勞役而廢者興墮者舉然猶望後之蒞斯土者隨時修葺庶不失作始之意而亦可與民休息勿至重勞耳

重修節孝祠記

知縣熊壽錢

夫柏舟矢志儀範著於千秋斯彤管流芳馨香報以百世乃平邑節孝祠年湮代遠半沒於蔓草荒煙雨蝕風殘空存有頽垣敗壁幽靈何託祀事難明余下車伊始苦瞻拜而無由默運籌

而徒切乃紳民思揚潛德請爲重修爰集腋是謀解囊爲創幸
眾擎之易舉閱三月而落成集梓匠以成材旅楹松桷安神靈
而有所烏革翬飛斯時也鼓吹聲喧送祠者如雲冠蓋旌旗彩
耀捧主者後裔子孫表嫠婦之艱貞慰邑人之觀望從茲享春
秋祀典輪奐常新瞻禮樂明禋衣冠踰躋昭茲來許期式禮而
莫愆必有達人卜象賢之裕後爰撰文而記事用勒石以銘貞
者天下之大命是以

重修平山縣義倉記

知縣熊壽鏞

平山縣續志

卷八

藝文

六

國家子惠元元命各府州縣皆建倉積穀所以爲吾民計長久而
圖匱於豐者意深且遠惟歷久或視爲故事不復推陳易新以
致朽腐甚且委任未當有侵蝕弊若是謀所以慎守者宜何如
汲汲乎平山舊有積穀三千七百餘石分存於在城義倉並南
甸等村乃以歷年虛耗並祕家會洪子店倉爲水漂沒暨防堵
支用存穀止一千五百石有奇迨光緒四年復以白砂鎮等村
被災民借穀七百餘石後先所糜穀計有二千九百石俱白於
大府自是存穀益少祕家會洪子店倉旣廢惟在城及南甸倉
尙存穀八百餘石而在城倉復以歲久將傾圮穀亦多糜爛余

甚恐失圖匱於豐意乃謀於邑人出陳穀易錢卽以所易錢建倉別捐新穀以實之邑之九莊咸樂從事於是穀額足而藏穀亦無風雨之患矣然尤冀善持於後庶完者不復壞而足者不復缺也是爲記

重修八蜡廟記

舉人何玉如

嘗聞伊耆氏始蜡蓋以蜡者索也謂索求神之有功於民者而祭之也凡先嗇一司嗇二農三郵表啜四貓虎五坊六水庸七昆蟲八載在禮經垂爲祀典自古迄今罔敢失墜平邑南城內舊有八蜡廟一所

平山縣續志

卷八

藝文

七

國朝乾隆咸豐間屢有增修廟貌率豁乃以歷時久風雨摧敗牆宇半傾丹青減色倘不重加修葺勢將棟折榱崩邑人觸目感懷謂欲典隆祈報宜先肅厥觀瞻乃謀爲集腋之舉幸好善君子樂於挹注於是請於邑侯鳩工庀材舊者新之敝者完之前所未有者增益之殿宇一新金碧煥色是役也肇始於春初告竣於仲夏良由神靈默佑亦邑人之勇於從事也自是蝗不入境蟲不爲災螟螣蝥賊不待去而自無未始非斯廟之修顯蒙庇蔭耳是爲記

天桂山記

知縣熊壽篔

戊戌之春三月七日予因公旋自卧石口尖七里坪父老相迎
慰勞問所疾苦與言久之有孟縣石生前致詞曰屬境天桂山
爲大觀去春曾覽其勝距此廿餘里曷往遊乎予久耳天桂名
以簿書鞅掌且距縣遠不果於行今便道往觀亦計之得也因
卻儀從乘肩輿行數里入燕尾溝亂石縱橫幾疑無路蓋其險
較居庸關溝尤甚俄又狂風作飛砂蔽日勉行十五里抵山下
寺時已薄暮鄉民爭告登臨之險擬謀棲止又苦湫隘遂易山
兜賈勇而上幾經曲折山迴路轉始抵寺前問之則計程五里
道人迎於門棲予以東樓告子曰山本名三門寨因東西中三

路可達也明末宦閩林清德養親事畢幽棲於此易名北武當
又曰天桂山初居肝花洞鳩工庀材經營三十年始得成觀後
屢召不赴旋值鼎革因隱居以終予歎曰不意宦閩中有此卓
犖之識堅定之性忠孝兼盡之人爲道教闢數百年利賴宜其
傳誦不衰香花供養也以視華貴之族如吳三桂者徒爲一臣
身敗名裂其相去爲奚若耶安得以宦閩而薄視之侵晨導余
遊見山勢嵯峨巋然獨峙高入雲際左右則若揖若拱山樹山
花青蔥滿眼殿閣參差如入仙境目不暇給其南則羣峰環列
儼若翠屏與南山相對爲山門曰雲霄其下壁立于仞出不由

戶蓋所謂門雖設而常關也中有石室三楹署曰雲集臺東西各五楹松柏參天雜植海棠等樹迤邐而西別有院落北室五爲祖師堂池中牡丹尙未吐葩又西爲腰門其外爲西角門卽出入所由之徑自西徂東爲茶棚院東室數楹南連朝聖門東南折爲腰門曲折東行見東山之突出南向者上建魁星閣下雖設門無徑可通與相對北峙者爲文昌殿玩賞未已復尋舊路過茶棚北折入東院正室三爲靈官樓東西各三楹西北石井深僅數尺下爲石底然取之不盡用之不竭由西室穿過厯北階而升上有左樓內通靈官樓中爲真武殿右關帝殿迤西

有樓四其南爲鐘樓最東有樓五南一爲鼓樓中下兩級觀止矣相與小憩或坐繩牀或倚怪石形骸脫略俗慮一空忽聞雜沓有聲洋洋盈耳伐木丁丁歌聲隱隱樵夫贈答也飄然而起遠籟皆應清風徐來也奔騰澎湃激越不平泉聲怒號也鏗鏘金石鐘磬互鳴梵聲遙動也嚶鳴求友鶴答於空物類相感也有時五聲齊奏山谷響應幾不辨其爲何聲矣有時萬籟俱寂老僧入定則又闐其無聲矣徘徊瞻望仰見奇峰高插廟貌淩雲於是攀崖躋磴更上一層迎春倒垂黃花滿徑行半里許至無梁殿爲廟之最高處俯視平原良田萬頃村落棋布河流灤

繞左顧右盼如在畫圖東行至雷祖殿上有三清河土釜洞洞前古檀三株山腰黃連一株其枝幹盤曲如龍爪遍體鱗甲蓋千年物也山之環抱於左者上供淨水瓶西爲老君堂山半有肝花洞因肖形得名再西爲三官殿迤南達平臺西望山洞名曰西頂中爲聖母殿復有仙洞三均天然設造不假斧鑿但須別尋蹊徑因憚於攀援未能往觀道人邀登絕頂謂可遠矚高瞻東望城市西顧孟縣北臨滹沱南視井邑山川城郭歷歷如在目前仰觀俯察氣象萬千振衣欲上甫數武鳥道蕞叢幾難容足爲遲迴久之予曰知足不辱知止不殆豈必攀藤附葛窮平山縣續志

卷八

藝文

十

千里之目而後快哉乃回至東樓道人屬記其事因走筆成此亦聊誌鴻爪云爾

溫泉記

知縣熊壽錢

戊戌暮春有事於西郊出郭行數里見農夫播種引水插秧熙熙然有田家樂是日復惠風和暢天朗氣清縱目郊原山川深秀良可觀也又三十餘里抵溫塘遙見村南隱約有古寺詢之爲漢武帝祠乘肩輿往瞻拜祠前署浴沂歸詠四字白巖老人書也考邑乘祠建於隋大業間尙有白鹿臺因武帝登此有白鹿銜芝之異因以名臺洎今基址無存迤西有泉湧出溫暖可

浴鑿池建屋別男女池浴之可以已疾世傳武帝謁王母於此
飲以瓊漿奏以霓裳因語涉戲謔王母唾之面生奇瘡尋謝過
有白鹿跑地泉隨湧出王母指示欲疾瘳當浴此既而霍然事
涉元渺其卽鹿臺之傳訛歟夫澡身所以浴德願邑民之沐浴
於斯者毋徒以浴沂風詠作修禊觀必蕩滌邪穢如盤銘之日
新焉抑凡蒞是邦者力矢清廉以水爲鑒舉斯民而咸與湔洗
卽古昔之風清俗美不難再見矣甘露醴泉行且應之豈不懿
哉

平山縣續志卷末

附錄

守望章程

知縣熊壽鏡

照得前蒙 各憲札飭務將保甲事宜實力舉辦鄰里鄉保互相糾查一家有犯十家連坐尤須遴選公正矜耆悉心經理等因遵照在案時屆隆冬晝短夜長宵小易生竊盜間發惟有守望相助一法最爲當務之急除傳鄉地面諭遵辦外今將各村支更與鄰村聯絡事宜酌擬條規分列於左

計開

平山縣續志

卷末

附錄

一每村除老病殘廢及貧難餬口之人免其支更外其餘各戶輪流支更紳富許以僱工代之務選可靠之人不得僱覓游民乞丐轉爲盜賊耳目一經查出定行究處並將鄉地重懲不貸

一支更之法於村中緊要地方設立總鋪小村一處大村二三處每處豎立高杆上掛天燈須要遮蓋以蔽風雨務使通夜長明白晝掛以黃旗上書守望相助四大字責令附近之更夫經管如數十里中村村皆張旗掛燈不但賊匪望知有備不敢入村而行人亦藉以壯膽實爲弭盜良法

一燈旗之外每家各置木梆一個木棍一根或農器亦可每夜支更之家將燈罩放在門首或立公所持梆執棍通夜巡查須與鄰街更夫見面其不輪更之家亦將木棍放在枕邊一聞梆亂各戶立即持棍出為應援賊往之處則支更者亂敲木梆俾得追蹤尋捕擒獲送縣本縣當視賊犯罪名之輕重定賞資之多寡以獎獲賊之人各戶之中輪應值更之夜所花燈油錢不過數十文其餘不支更各家皆可安眠不但賊匪難偷而獲賊兼可得賞又何憚而不為耶

一本村緝捕整齊人心奮勉小賊自不敢犯然不聯絡鄰村一

平山縣續志

卷末

附錄

二

遇大羣夥盜其勢不敵宜每村預備大鑼一面高杆之下另設一繩拴一紅燈一遇大盜趕將紅燈拉起與常懸之天燈並掛再擊大鑼及連擊寺鐘為號預與四外鄰村約定一見雙燈並掛並聞鐘聲鑼聲連擊即各持械往救仍留一半守村待賊竄至協力堵拿平日議定賊匪進村但許其來不許其去若放賊走即未失物亦將追捕不力之人議罰如能捉賊者公同議賞本縣尤格外獎勵始則聯數村為一心繼則數十村數百村共為一心即盈千之賊亦可擒獲况鼠竊狗盜之徒有不立就捆縛哉其各勉旃毋怠

一村中貧富不等支更者貧民居多冬冷夜長未免飢寒凡地
畝多者或有鋪戶買賣之家秉公酌派錢文置棉衣數件給
支更者禦寒並酌派米麩若干歸入總鋪經管每夜煮粥一
鍋支更者聚食一餐以免飢寒

一稽查匪類責在鄉地耳目切近莫如鄰佑凡有空廟空窰及
可藏奸之所都要關鎖堵塞如見外來遊手可疑之人及在
曠野空墳古廟躲避者立即稟縣訊究本村如有素不安分
及招引生人往來者亦即稟明究治鄰佑鄉地如未先稟事
發之後定當治以徇庇之罪

平山縣續志

卷末

附錄

三

以上章程六條皆係守望相助緊要關目再四思維斟酌
酌盡善務期同心共濟眾志成城切勿陽奉陰違有名
無實如查有不遵規條虛應故事定將該鄉地嚴行責
究不貸勿謂本縣言之不早也各宜凜遵毋違切切特
諭

勸捐倉穀稟

知縣熊壽錢

敬稟者竊查^卑縣舊存義倉穀三千七百七十七石四斗三升
九合內除歷前任虧短並祕家會洪子店兩處被沖暨防堵案
內動用穀石均已報明有案外實存倉穀一千五百三十四石

零六升四合至光緒四年間白砂鎮等村被災民借穀七百二十八石零零二合亦經稟明在案實在存倉穀八百零六石零六升二合而達部冊仍造一千五百三十四石零六升四合歷任均係照此辦理本年卑職接收惲令交代內倉穀一款先經該令以倉存積穀八百零六石零六升二合均皆霉爛通稟請示未及奉批旋即交卸卑職因此款攸關達部未便含糊接收當經面詢據惲令云此項穀石實已霉爛業與紳董詣倉驗明並邀集各紳勸捐均經允俟秋後捐補足額卑職誠恐不實復邀惲令同往盤查據云此穀實已驗明無須再查力行阻止卑

平山縣續志

卷末

附錄

四

職以惲令既言之鑿鑿盤亦無益遂爾中止因交代達部冊應否據實造入曾經稟請

憲示尙未奉批現在秋禾業已登場所有應捐積穀亟應勸辦以實倉儲當邀在城紳董何鳳三等至署詢以惲令前曾邀同開倉查驗積穀並諭飭勸捐穀石現在已否辦有端緒據云伊等並未見惲縣主之面亦無驗倉勸捐之事卑職詰以前此詢問何以言不及此僅稱甫經捐修道路民貧地瘠力有未逮惟求寬免含糊回覆據稱彼時惲縣主尙無行期若遽言之則紳等獲咎非淺是以含糊推卸今既事在必行不能不詳呈原委

且南甸倉穀於光緒六年甫經收倉在城之穀雖存儲年久然
平山向例先年會另捐有地畝及生息成本以備彌補鼠耗霉
爛之需專責倉正副經理以故該倉正副必年加曬晾彌補卽
使少有霉爛亦斷不至一概不堪食用誠恐該紳等畏難支吾
復邀各鄉紳查詢眾論僉同是此項倉穀憚令旣未往驗又無
邀紳勸捐竟以臆度之詞查驗積穀均皆霉爛含糊具稟未免
草率從事卑職查該紳等旣未與憚令晤商而憚令又稟積穀
均皆霉爛自應由卑職驗明方昭核實檢查原卷原捐積穀分
存兩處一存在城計穀五百零七石五斗二升一存南甸村計

穀二百九十八石五斗四升二合隨邀同教佐紳董先驗在城
積穀查驗倉廩因歷歲旣久風雨浸淫以致櫟木山牆半多糟
朽鼓裂房頂因歲加彌補尙無滲漏復驗積穀霉爛無多可食
者將及十分之八用斛盤量好穀二百五十石中穀七十三石
次穀六十六石五斗霉爛虧短穀一百一十八石零二升復至
南甸村查驗倉廩櫟木牆山均皆堅固房頂尙須泥補驗明穀
石可食者十分之五斛量好穀一百三十石中穀二十七石五
斗霉爛鼠耗虧短者一百四十一石零四升六合統計兩倉可
食之穀共五百四十七石霉爛虧短穀共二百五十九石零六

升二合當經諭飭該紳董等遵照向例將兩倉穀石迅爲彌補足額並將各倉趕緊興修去後嗣據該紳董等稟稱今歲雖屬有秋惟平山蕞爾小邑富戶較少若令將兩倉穀石全數捐補匪特力有未逮且倉存好穀尙多轉恐起小民疑慮別生事端擬懇將兩倉所存穀石未經霉爛者推陳易新其霉爛鼠耗者彌補足額先由地租生息內令倉正副歸補此外再有不足則由紳等按照舊章分勸各莊捐補足數至應修倉廩亦經勸辦等情請示前來查該紳等所稟尙屬可行似應照准因維時已促未便輾轉請示致稽時日當經批准捐辦並飭迅將倉廩修

平山縣續志

卷末

附錄

六

整以便存儲旋據該紳等具稟以飭捐穀石現均一律推陳易新捐補足額至在城倉廩歷年既久必須重加修葺方期久遠但時屆冬令難以施工現將捐足穀石存儲糧店一俟來歲二月春融趕緊興修工竣卽行稟請驗收等情稟覆前來

卑職復

親查所捐穀石業已足額所稟冬令難以興工一層亦屬實在情形除飭該紳董等先將修倉款項捐齊屆時迅速購料興修工竣稟請移穀收倉並請委員驗收外所有勸捐積穀詳細情形理合先行稟請查核再

卑職

向來辦事皆稟承

憲臺實事

求是之意况此係內結穀石斷不敢扶同捏飾致涉欺朦同干

未便是以據實直陳至前造憚令交代倉穀達部冊係屬雙請
現在既已捐補足額擬請仍照原案達部以歸劃一而免駁詰
合併聲明

查催稅契示

知縣熊壽錢

爲出示曉諭事照得民間買賣田房例應稅契爲

國課攸關故定例亦極周密凡有買賣田房者須由官設立官中
爲之查丈界址授以五尺給與戳記照例抽用三分成交後由
社書代爲更名過割彙報本縣於紅簿內更正買主於受產後
卽時投稅黏尾如果隱匿不稅或稅用小契者均分別坐罪有
平山縣續志

卷末

附錄

七

差是

國家立法之意始則恐買賣之家或致爭鬪侵佔故有官中之設
繼恐成交之後不能卽時更名過割以及匿不投稅者故又設
社書以稽考之所以重

國課之意不爲不周且密矣今本縣下車伊始查悉縣屬並無官
中社書凡買賣田房者均係私相授受遇有更名過割者均係
自行報縣平時則違例稅用小契遇有涉訟爭控始肯投稅黏
尾非特大干法律與定例不符且百弊叢生故平邑以田房涉
訟之案不一而足往往輾轉不清者職是之故惟查此陋習相

沿已久民間視爲故常若不及時補救則流弊日生伊於胡底爲此遵照例章剴切曉諭俾免小民疑慮以裕稅課而安民生合將所擬章程四條另開於後以後凡有買賣田房均須由鄉地查丈成交用頒發契紙填寫以備查考一面由鄉地設立更名過割簿逐一登記彙報本縣以便於紅簿內更正買主成交立契後卽時投稅黏尾不得仍前玩忽致干重咎至前此稅用恩契小契者均屬有違定例如果照例懲辦小民何以當此重罪本縣從寬辦理既往不咎所有以前稅用恩契小契者統限半年一律投稅黏尾以符定例俾可世守所有各項稅用均依

平山縣續志

卷末

附錄

八

照往式不增分文卽契紙由本縣捐辦發交鄉地亦不另取分文自此次諭飭之後倘再有買賣房地不遵用契紙及不卽時投稅黏尾並恩契小契不遵限投稅黏尾者或本縣查出或被入告發或別經發覺定行分別治以重罪該書役鄉地人等如有藉端勒索准卽指名控究本縣不忍遽行究治故先剴切曉諭爾等其各仰體遵行倘再有犯定不輕恕本縣言出法隨決不姑寬各宜懍遵毋違特示

章程四條開列於後

計開

一縣屬向無官尺如果遽然設立恐不便於民擬卽以鄉地代之凡買賣田產者卽邀鄉地爲之查丈地畝用契紙填寫該鄉地不得索取分文倘買主有願酌量酬謝者亦聽其便官不爲禁查官尺向於買主取稅用三分今驟議添設令民間照給轉致觀望應仍其舊不令鄉地索取分文俟將來察看情形再行添設官尺以符定例

一縣屬無社書亦以鄉地代之飭令另立過割簿一本於買主成交立契後卽註明某年某月某日某村某人買某人_{房地}所價若干糧若干應由某人過某人名下用第幾號紙立契

於月終來縣彙報一次此亦不許鄉地索取分文俟將來察看情形再行添設社書以符定例

一民間自本年本月起凡有買賣田房者均須遵用契紙以符定章倘無契紙者卽照私相買賣坐罪成交立契後卽時來縣投稅黏尾卽時印發斷不留難一切稅用仍循舊例辦理不許書役鄉地等增取分文

一凡從前稅過恩契小契本屬有干例禁例應坐罪今本縣從寬既往不咎統限半年一律投稅黏尾倘有逾限不遵者卽行照例科罪

禁賭示

知縣熊壽箋

爲出示嚴禁事照得治國莫先於齊家教民首重於成俗所以
闢雖爲教化之始內則嚴禮義之防是婦女貴於靜貞閨闈宜
於嚴肅凡稍知禮節者無不守而行之本縣下車伊始竊見平
邑人情敦厚風俗純樸男務耕稼以爲生女勤紡織以爲業咸
知務本各有專司殊堪嘉尚惟訪得無知婦女與游手好閒之
徒往往在市集會場羣聚賭博男女混雜旣越防閑又喪廉恥
敗俗傷風莫此爲甚推原其故總由鄉地容隱夫男徇縱旣不
加以嚴束又安望其知非急應嚴禁以挽頽風除嚴密查拿外
合行出示嚴禁爲此示仰闔邑鄉地諸邑人等知悉自示之後
務須男女各安本分毋蹈前非倘再有無知婦女在集市會場
與無知棍徒羣聚賭博一經訪聞或被告發定將該賭棍嚴行
懲治併將該鄉地暨婦女之夫男一併嚴拿盡法究懲決不寬
貸本縣言出法隨慎勿輕於嘗試其各慎遵毋違特示